

ASTRONOMICVM  
ENVNCTIATVM TRICESIMVM OCTA.

Pascha & reliqua festa mobilia, Cyclo clauium, literaq;  
Dominicali habitis, cognoscere.

Exo. c. 12

Leuitici. 23

Numeri. 28

Deuteron. 16

Esdr. 1 cre. 6

Parali. 2 c. 35

Iosephus 3.

Matheus 5

Primum Chri-  
stianorum con-  
cilium vbi &  
quado habitu  
sit.



EGITVR EXODI c. 12 DI-  
xiste Domini Moysi & Aaroni in Ae-  
gypto, Mensis iste vobis principium me-  
sum, primus erit in mensibus anni. Lo-  
quimini ad vniuersum coetum filiorum  
Israel, & dicitis eis &c, paulopost. Est  
enim pascha, id est, transitus domini. Le-  
uitici quoq; 23. Mense primo quarta  
decima die mensis ad vespertum pascha  
domini est, & quintadecima die mensis  
huius solennitas azimorum domini est.  
Et Numeri c. 28. Mense autem pri-  
mo, quartadecima die mensis, pascha domini erit, & quintadecima die  
solennitas. Septem diebus vescetur azymis, quatuor dies prima, ve-  
nerabilis & sancta erit &c. Deutro. 16. Obserua mensem nouarum  
frugum, & veni primum temporis, vt facias Pascha domino deo tuo,  
quonia in isto mense eduxit te dominus deus tuus de Aegypto nocte &c.  
Et Esdr. 1 cap. 6. Fecerunt autem filij transmigrationis Pascha  
quartadecima die mensis primi. In Paralipomenon 2 cap. 35. Fe-  
cit autem Iosias in Hierusalem Pascha domino, quod imolatu est quar-  
tadecima die mensis primi. Iosephus quoq; clarissimus hystoriae scrip-  
tor, libro 3 Antiquitatum iudaicarum cap. 12 in hunc modum scri-  
ptum reliquit. Mense autem Xantico, qui apud nos Nisan appellatur,  
id est, anni principium quartadecima Luna soli opposita in Ariete,  
quo mense liberati sumus a seruitute Aegyptiorum, sacrificium quod  
nunc egredientes ex Aegypto fecerunt imolare nos annis singulis,  
quod Pascha dicitur &c. Quintadecima succedit festiuitas azymorum  
quae septem diebus celebratur, in qua azymis vescuntur. Hec Iosephus,  
Euangelista Matheus testatur 5, Christum non venisse qui legem solu-  
ueret, sed adimpleret, scilicet appropinquante passionis tempore le-  
gitimum pascha, quod lex 14. die primi mensis ac vespere, quado azy-  
morum dies initium sumit, celebrandum non neglexit, immo oppor-  
tunissime verissimeq; cum suis celebravit. Testatur hoc Euangelij  
sacro sancti assertores, Matheus 6 & 20 cap. vbi ait. Prima die  
azimorum &c, accesserunt discipuli ad HIESVM dicentes. Vbi  
vis paremus tibi comedere pascha &c. Vespere autem facto discum  
bebat cum discipulis suis. Marcus item, Lucas & Ioannes paschatis  
tempus satis aperte ostendunt. Sed quorsum haec inquis? Eo, bone  
lector, quo intelligas paschale festum & Iudeis & primitiue post hac ali-  
quandiu ecclesiae in 14 primi mensis cultum fuisse, quod nobis ne-  
quaquam sit ea quam subdam ratione. Eusebius namq; ecclesiasticae hy-  
storiae compilator libro 5 cap. 23 tradit disceptationem fuerissi-  
mam inter episcopos asiatcos ortam, eos qui primam Synodum in Ca-  
sarea Palaestina constituerunt, Primam inquam post illam cuius acta  
apostolica meminerunt, vtrum scz Pascha 14 mensis primi, iuxta le-  
gem Moysi celebrari debeat. Ibi Theophilum Caesarea Praesulem, im-  
perante sic Victore Rhomano Pontifice, constanter conclusisse, non  
amplius cum Sabataris Iudeis 14 primi mensis die, sed potius domi-  
nica paschatis festum Christianis honorandum esse. Vnde Theo-  
philus idem Concilij Casariensis praeses, quoniam id ab omnibus pa-  
riter approbatum erat, palam omnibus ecclesijs scriptum promulgauit  
Constitutum scz esse, vt intra 12 Kalendas Aprilis, & 11 Kalendas  
Maij, Pascha celebretur, neq; cuiquam transgrediendi hos terminos vel  
citra vel ultra facultatem concedi, & bene profecto, quoniam tunc tem-  
poris 11 Kalend: Aprilis, id est 21 die Martij continebat aequino-  
ctium, post quod, si 14 Luna accidat, Paschalis festiuitas vsq; in 20  
vel 21 diem Aprilis transferri potest, hoc modo. Si enim oppositio  
id est, 14 Luna in 13 aut 12 Kalen: Aprilis incidat, tunc alterius  
decimae quartae tempus expectandum est, quod non prius quam 19  
aut 20 Aprilis euenire solet, qui & terminus Thephili est. De Luna  
quoq; praecipuum non est posthabendum, quo iubebantur Iudei Lunas  
7 post 14 continua feriatum consecratione obseruare. Quocirca  
cum inter 11 Kalen: Aprilis & 12 Kalen: Maij plenilunium siue  
decima quarta offertur (post aequinoctium saltem) tum proxima Do-  
minica post oppositionem eligitur in Pascha. At si contingat Lunam  
plenam dominica incidere, proxima post eam dominica accipitur,  
tanquam adhuc sacrificata, ea ratione, qua Moses 7 perpetuas lucas  
sanctificatas affirmavit. Hoc autem fit, ne cum Iudeis pascha idem  
veneretur, qui eodem die illud adorant. Fit autem & nobis dies san-  
cta, a dominica enim vsq; ad alteram non nisi septem dies numeratur,  
ita vt & nos sacra die vna scz ex 7 Moisaicis Pascha honorem. Co-  
muniter iam latinos, graecos & hebreos pascha celebrandum post equi-  
noctium decreuisse vides. Quod decretum sequuti patres Nicaenae  
Synodi aequinoctium 12 Kalen: Aprilis, Pascha vero 11 Kalen-  
das, id est, sequenti die post, vsq; ad 5 Aprilis procedendo constitue-  
runt. Nam si 11 Kalen: Aprilis dominica occurrat, iam Pascha  
in proximam dominica, quae 5 Kalen: Aprilis 28 scz Martij die  
erit, prolongabitur. Idem post hos Anthiocheni, Casarienses, Alexan-  
driniq; conuentus stabiliuerunt, & confirmarunt. Ad ista igitur equi-  
noctii

CAESAREVM

noctii supputationem, quae in 21 Martij relata est, Dionysius ille  
Rhomanus abbas Kalendarij sui basim iacet, perinde atq; fixum, nec  
vquam variabile sit aequinoctii tempus futurum. Ob eam vero cau-  
sam, neq; Paschatis festum hactenus ante 21 Martij diem, sicut olim  
soluit, celebratum est, neq; in posterum 21 Martij diem, sicut olim  
cyli decreta, nisi mos ecclesiae annorum iam multitudine deprauatur.  
Quamquam vero sacrae litterae nihil aequinoctii meminerint, sed tantum  
primi mensis, nihil scilicet tamen intelligere datur primi esse mensem  
illum, cuius oppositio, id est, plenilunium cum aequinoctio coincidit,  
aut proximè sequitur, cum illud apostolorum iam olim sententia com-  
probatum legatur, quibus sancitum est, ante aequinoctium venum  
Pascha colere nemini vt liceat. Aequinoctium autem, quod tempo-  
re Synodi praefata contigit, a nostro iam 11 diebus distare palam  
fit, cum illud 21 Martij euenerit, nostrum 10 praesens contingat,  
& post paucos annos 9 die quoq; futurum sit. Causas erroris in-  
fuso, absolutissime didiceris ex Natali Regis Ferdinandi sequitur con-  
in exemplum 1503 annum. Illico enim vides sequenti die post nati-  
& in ipso plenilunio Dominicam accidisse, qua occasione Paschatis fe-  
stum, iuxta Theophilum statuti proxima dominica sequi debuerat, hoc  
est, 19 Martij. Verum ex sententia ecclesiae 29 diebus integris dis-  
latum, 16 Aprilis sacrum vides. Vnde oculis vsurpare licet erro-  
rem Kalendarij manifestum, vtrq; pascha non secundum Moysen post  
14 primi mensis, sed post plenilunium mensis secundi, quod plane ali-  
num videri queat, imò quod adhuc amplius, eo tempore, quo sol 5  
gradum Tauri occupat, qui immundus dicitur, celebratum tempore  
regis Ferdinandi sit. Quod aequinoctium subinde anticipet in causa  
est Trepidatio octavae sphaerae, & quantitas anni Solaris hunc vsq; in  
diem nondum satis cognita. Hyparchus enim annum 365 dies, 25  
M, 12 secunda habere prodidit. Iulius Caesar 365 dies, 6 horas,  
adunquem, quod a vero longe abest. Ptolemaeus 365 dies, 5 ho-  
ras 55 M, 22 Z annum facere asserit. Alfonso autem 365 dies,  
5 horas, 49 M, 16 Z (quem si sequaris, quomodo quarto quouis  
anno diem intercales non videres) inesse pronuntiat. Anticipatio au-  
tem aequinoctii in annis 132 propè variatur per vnum diem. Pro-  
xima Kalendarij corrupti causa est, illa scz, qua coniunctiones oppo-  
sitionesq; luminarium, iuxta Dionysij Cyclum supponantur, cum ta-  
men haud ita longo temporis processu, certitudinem suam obtinere va-  
leant. Consuetudinem ecclesiae sequutus, cyclos premisi, per quos pa-  
scha nunc inuestigare discas, quomodo semper quidem vti poteris, si  
modo praesens ecclesiae ritus, vt nunc est, seruetur. Cyclum Clau-  
is paschalis enuntiatum 35, literarum dominicalium enuntiatum  
praecedens, edocuerunt, per quae duo festum paschale nunc dicitur.  
Numerum ergo Clauium in limbo interiori, quem penes NVME-  
RVS CLAVIUM maiusculis, vt liquet, habetur literis inspicere.  
Quem visum cum indice Z rotae volubilis vexillum gerentis, signa.  
In limbo deinde exteriori literam Dominicalium prius inuentam, pro-  
ximè, post indicem, iuxta dierum ordinem obuiam quare, & eidem in-  
dicem adiunge, sic, vt litera cum ostensore non occultatur, sed linea fi-  
ducie eiusdem indicis tantummodo mediam alteram inter literam do-  
minicaliam praesentem & proximam antecedentem, contra dierum or-  
dinem puta, sitam contingat. Illum etenim diem Christiana constituti-  
o generali quadam obseruatione paschalem tueretur. Festa post hac  
mobilia suis in locis ordinatim apparent. Demonstratio ocularis esto.  
¶ Dignus CAROLVS semper Augustus anno 1500 currente  
genitus, cuius litera dominicalis E D, Cyclus autem Clauium 38  
fuit. Nunc 38, qui est numerus penultimus limbi interioris cum in-  
dice notetur, quoniam vero E iam litera dominicalis esse desit in Fe-  
bruario (sicut anni Bisextilis ratio exigat) index modo non in E sed  
in D literam 19 diei Aprilis vicinè transferendus est. Itaque & d  
literas, dies autem 38 & 19 per medium diuidat. Quo facto, pa-  
schale cum reliquis festis orbiculatim suis nominibus expressis, liquet  
5 sola Septuagesima ibi aduertenda fuerit, quae in anno Bisextili non  
eo die, quem Septuagesima nomen attingit, colitur, sed in eo qui huc  
sequitur.

HIS FESTORVM INVENTORVM  
ordo est anni 1500 currentis.

Septua. 16 Febr: Iudica	5 April: Cate	17 Maij
Estomihi 1 Mar: Palmarum	12 April: Rogationu	24 Maij
Quadra 8 Mar: Pascha	19 April: Ascensio dñi	28 Maij
Remi. 15 Mar: Quasimodo	26 April: Exaudi	31 Maij
Oculi 22 Mar: Miserico, dñi	3 Maij: Pentecoste	7 Iunij
Letare 29 Mar: Iubilare	10 Maij: Trinitatis	14 Iunij

In praesentia festum paschale iuxta obseruationes ecclesiae videntur  
19 Aprilis exigere, cum idem si Moysen & patrum sanctiones sequi  
malimus 15 Martij celebrari, aut secundum Theophilum dogma in pro-  
ximam dominicam sequenti (quae est 22 Martij) transponi debeat.  
Quod idem obseruare coacti eramus, si aequinoctium verum amplius  
voluissimus. Sed hic apparet pascha per 35 dies ultra debuit ter-  
minum dilatum esse, impurumq; in mensem, cui Taurus praefuit (die enim

